

植物名實圖考

二十一

植物名實圖考卷之十九

司始吳其濬著

蒙自陸應穀校刊

蔓草類

紅梅消

潑盤

蛇附子

大血藤

三葉孛藤

山木通

小木通

大木通

三加皮

石猴子

貼石龍

野扁豆

九子羊

山豆

金線草

五爪金龍

無名一種

過山龍

山慈姑

萬年藤

大打藥

鑽地風

飛來鶴

金線壺盧

稱鉤風

癩蝦蟆

陰陽蓮

狂風藤

金錢豹

又一種

拳藤

石血

百脚蜈蚣

千年不爛心

石盤龍

香藤

野杜仲

廣香藤

清風藤

南蛇藤

無名一種

川山龍

板南根

鵝抱蛋

順筋藤

紫金皮

內風消

無名一種

臭皮藤

牛皮凍

墓蓮藕

雞矢藤

金燈藤

兩頭挈





紅梅消

紅梅消江西湖南河濱多有之細莖多刺初生似叢漸引長蔓可五六尺一枝三葉葉亦似蔣田蔗初發面青背白漸長背卽淡青三月間開小粉紅花色似紅梅不甚開放下有綠蒂就蒂結實如覆盆子色鮮紅累累滿枝味酢甜可食 按蔗屬甚多李時珍亦未盡攷故不云有紅花者辰谿縣志山泡有三月泡大頭泡田雞泡扒船泡泡卽蔗語音輕重耳名隨地改殆難全別江西俚醫以紅梅消根浸酒爲養筋治血消紅退腫之藥又取花汁入粉可去雀斑蓋色形味與蓬蘽覆盆相類其功用應

亦不遠李時珍分別入藥不入藥亦只以本草所有者言之而
山鄉則可食者卽多入藥未可刻舟膠柱也此草滇呼紅瑣梅
採作果食湖南北謂之過江龍簡易草藥收之其枝梢下垂及
地則生根黥中謂之倒築傘遵義府志枝葉結子與薔秧蘼絕
似枝未柱地則生根復起再長拄地復然大者不知其本末所
在根可入藥云




潑盤

救荒本草潑盤一名托盤生汝南荒野中陳蔡間多有之苗高五七寸莖葉有小刺其葉彷彿似艾葉稍圍葉背亦白每三葉攢生一處結子作穗如半柿大類小盤堆石榴顆狀下有蒂承如柿蒂形味甘酸性溫以潑盤顆粒紅熟時採食之彼土人取以當果 按李時珍云一種蔓小於蓬蒿一枝三葉葉面青背淡白而微有毛開小白花四月實熟其色紅如櫻桃者俗名蔣田蕪卽爾雅所謂蕪者也故郭璞註云蕪卽莓也子似覆盆而大赤色酢甜可食此種不入藥用卽此



地附子

地附子產建昌蔓生莖如初生小竹有節一枝三葉葉長有尖
圓齒疎紋對葉生鬚鬚就地生根大如麥冬俚醫以治小兒退
熱止腹痛取漿沖服





大血藤

宋圖經血藤生信州葉如蓼藺葉根如大拇指其色黃五月採行血治氣塊彼土人用之李時珍按虞搏云血藤卽過山龍未知的是否姑附之茜草下 按過山龍俗名甚多不圖其形無從

審其是否羅思舉簡易草藥大血藤卽千年健汁漿卽見血飛又名血竭雌雄二本治筋骨疼痛追風健腰鄰今江西廬山多有之土名大活血蔓生紫莖一枝三葉宛如一葉擘分或半邊圓或有角而方無定形光滑厚韌根長數尺外紫內白有菊花心掘出曝之紫液津潤浸酒一宿紅豔如血市醫常用之廣西

梧州志千年健浸濯祛風延年彼中人以遺遠束以色絲頗似
降真香

